

皇清經解續編

皇清經解集編

皇清經解續編卷五百三十

南菁書院

頑石廬經說五

德清徐養原新田著

黑水考

禹貢導黑水至于三危餘波入于南海疏地理志益州郡故滇王國也郡內有黑水祠止言有其祠不知水之所在鄭云今中國無也案水經黑水出張掖雞山南流至敦煌過三危山南流入于南海然張掖敦煌並在河北所以黑水得越河入南海者河自積石以西皆多伏流故黑水得越而南也

謂黑水出雞山者昉於山海經謂出張掖雞山者昉於孔穎達顏師古孔引水經而今本水經無其文顏不引水經而解與孔所引水經合則其說固有所自矣

按御覽引張掖記曰黑水出縣界雞山亦

名元圃昔有娥氏女簡狄浴於元止之水即黑水也張掖記不知何人所作予則以爲黑水與黃

河同出昆侖無所謂雞山尤無所謂張掖之雞山也雞山見南山經不知在何郡惟知其必不在張掖何則張掖非南山也南山之雞山既非張掖之雞山南山所出之黑水亦非雍州梁州之黑水乃山海經之言黑水固非一處矣不更讀海內西經乎海內昆侖之虛河水出東北隅入禹所導積石山洋水黑水出西北隅南入海夫同一山海經也於雞山則從之於昆侖則不從於河出昆侖則信之於黑水出昆侖則不信其義安在或曰河出昆侖虛見爾雅故後人遵用其說非信山海經也曰山海經之言與爾雅相應此即其可信者黑水雖單文孤證然不謬乎經何爲其不可從吾謂言黑水者

不得已而取證山海經則舍雞山而取昆侖可也

按爾雅兩言昆侖則昆侖實有其處非如海上三山在虛無縹緲間也禹貢昆侖爲西戎之國國以山得名耳史記言漢使窮河源烏睹所謂昆侖夫必高二千五百里上有醴泉瑤池則誠不可得睹矣若猶是山也何不可睹之有然而古今異言方俗殊語徵之無可徵詢之無可詢雖置昆侖於前宜其熟視之而無睹也然則欲睹昆侖何道之從曰無難也有河在夫岷山吾不知爲岷山也知江則知岷山矣蟠冢吾不知爲蟠冢也知漾則知蟠冢矣漢武案古圖書名河所出山曰昆侖此語立於不敗之地試從河關以西溯流而上至水窮山盡處則昆侖見矣是故河源難尋昆侖易睹然則河源

果孰得其真曰星宿海在吐蕃界自闡展至和闐三千餘里之南自和闐至後藏三千餘里之東皆星宿海地也和闐卽于闐漢書言河源出于闐南山則與吐蕃河源相去不遠同在星宿海今星宿海之西有巴顏喀喇山吐蕃河所出也其北及西北復有二山曰阿克塔齊欽曰巴爾布哈此二山其卽于闐南山乎蒙古稱此二山及巴顏喀喇山皆曰枯爾坤枯爾坤者猶言昆侖也三山皆河所出故皆謂之昆侖于闐爲北源吐蕃爲南源

唐以前北源盛南源微故侯君集至吐谷渾望積石觀河源猶未知有吐蕃河

唐以後南源盛北源絕故杜佑曰大磧互數千里此處豈有河源

黑水則又在南源之南與

又三危旣宅三苗丕敘疏舜典云竄三苗於三危未知山之所在昭九年左傳云先王居禱杙於四裔故允姓之姦居於瓜州

杜預云允姓之祖與三苗俱放於三危瓜州今敦煌也鄭元引

地記書云三危之山在鳥鼠之西南句當岷山則在積石之西

南地記乃妄書其言未必可信要知三危之山必在河之南也

水經卅三洛水從三危山東過廣魏洛縣南今四川成都府漢州注洛

水出洛縣漳山漢書地理志云雒水出廣漢郡雒縣章山亦言出梓潼柏山山海經

曰三危在燉煌南句與嶠山相接山南帶黑水按今山海經無此語則已佚矣

又山海經不言洛水所導經云出三危山所未詳

按三危所在當以地記爲正孔疏雖斥爲妄書然曰三危必

在河南則亦不以地記爲非也水經以爲洛水所出則去蜀

不遠矣山海經謂三危在燉煌南者蓋遠言之猶海內東經

云浙江出三天子都在閩西北若求浙江於閩則不可得也

杜氏以檣杪為三苗故謂允姓與三苗俱放三危後人因謂

三危在燉煌括地志云三危山在沙州燉煌縣東南四十里

此說殊不足信三危在積石之南

此大積石也孔疏謂在積石西南者當指小積石

岷山之西正當西傾之西南而地記云在鳥鼠西南者西傾

在鳥鼠西南三危又在西傾西南三者參相直

水道提綱

卷八江上

黑水河即古所指茂州鐵豹嶺水也

按即李膺所謂大渡

河見後

出邊外番地有兩源北源出九里古拉達巴罕嶺在岷南

源之西南二百餘里

又名馬爾隆必拉在岷北源之正西西北距大積石可百餘里

水東北流

折而東南曲曲行二百餘里其南源西南自山中

名雅爾隆必拉在岷南源

之西少北

東北流二百數十里來會又東南百里入邊又東南百餘

里折南流八十里又折東南流九十里至長甯堡西北與大江

會

別本圖二源皆東北而流無東北流之道未知其審

按提綱又云大江有二源北源曰岡出阿林南源曰那哥多

母精阿林山勢廣博自巴顏喀喇山連接而東千里不斷至

九里古拉達巴罕山即黑水河上源又東而北而東北為那

哥多母精山然則九里古拉達巴罕與岷山相接安知非即

古之三危乎

古黑水河至汶江微外當即南流為泅水其別派入江與否不可知古今未必同也

漢書地理志蜀郡禹貢桓水出蜀山

水經作岷山

西南行羌中入南

海

元和志茂州通化縣本漢廣柔縣地蜀山在縣東北六里按廣柔故城在今汶川縣西北

禹貢和夷底績

水經注

三十

鄭元曰和上夷所居之地也和讀曰桓地理志曰

桓水出蜀郡蜀山西南行羌中者也

案鄭解因桓是來以桓是為隴阪名然則鄭意漢志

桓水乃和夷之和非桓是之桓也然和夷當在西傾之南桓水之西貢道由西而東正合因桓之義酈氏以白水河為桓殆失

之矣 鄭蓋讀是爲氏說文云巴蜀名山岸脅之旁著欲落墻者曰氏又云阪山脅也又云隴天水大坂也按阪爲山脅通稱是天水大坂鄭意以阪釋氏因連言隴耳氏乃巴蜀方言無關秦隴鄭又云西傾雍州之山也雍戎二野之閒人有事於京師者道當由此州而來是鄭意桓氏在梁州不在雍州明矣近世主張鄭學者往往屈經從鄭并鄭意失之不可不辨磴道盤折謂之桓氏桓水亦以此得名貢 今文 山經 山出 貢 磴道 盤折 道由陸路來故曰因桓是來

按中山經云岷山其獸多夔牛郭璞云今蜀山中有大牛重數千斤名爲夔牛竊詳郭注蜀山猶言蜀郡之山也班氏言桓水出蜀山意亦如是郭氏泛言之不專指岷山班氏渾言之實卽指岷山也若指廣柔蜀山何不繫縣下乎水經直作岷山正合班意李膺所指大渡河之源亦卽此耳 又按和旣讀爲桓而洩又與和聲相近疑洩水卽桓水也漢世但知汶江徼外有入江之洩水不知湔氐道徼外有入南海之桓

水班氏亦不甚分明故兩見之而繫桓水於郡下但言蜀山不言岷山以示闕疑之意禹貢言黑水入南海班氏言禹貢桓水入南海雍梁之間未必有二水俱入南海蓋黑水既湮先師知桓水所行卽黑水故道班氏采獲舊聞故不志黑水所出而特志桓水所入以見之

黑水之有桓水猶弱水之有羌谷水也班氏於弱水止載

桑欽說亦傳疑也於羌谷水則云至居延入海又曰居延澤古文以爲流沙明羌谷水與弱水合流也

又按

桓水出岷山而西南行則必入黑水河矣禹時惟此以上謂之桓水後世則并黑水河以下通稱桓水或謂之潏水或謂之大渡河而桓水直至南海則其名之所包更遠矣

李膺益州記云羊膊嶺水分二派一南流爲大江一西南流爲大渡河山王應麟地理通釋云大渡河一名羊山江源出鐵豹

嶺卽岷山羊膊嶺之異名也

按岷山廣博松潘茂州皆有之而江源當以松潘爲是則大渡河所出之鐵豹嶺實在松潘不在茂州也大渡河出羊膊嶺西南流與桓水出蜀山西南流水道脗合故知大渡河卽桓水矣桓水爲泚水上源青衣之大渡水入泚故謂泚水爲大渡河并其上源亦謂之大渡河也

漢書地理志蜀郡汶江縣

故城在今茂州北

泚水出徼外南至南安東

入江過郡二行三千四十里

說文泚水出蜀汶江徼外東南

入江从水我聲

按漢志作泚字之誤也水經注引呂忱字林亦作泚則其誤已久

水道提綱

卷八

陽江卽大渡河源自灌縣西南境大邑縣邛州西北境霧

中圓覺牛心三山以西諸山經小金川司大金川司至上下魚

通曰大渡河 乾隆府廳州縣志雅州府清溪縣泅水今名大

渡河在縣南自茂州西南徼外發源經打箭爐流入與越嶲廳

分界

按越嶲廳即漢越嶲郡關縣

按今之大渡河其源與古異蓋汶江徼外之道已湮也漢志

雖繫泅水於汶江徼外而云行三千四十里蓋并上源之桓

水計之若自汶江至南安則無此數今大渡河發源於邛州

徼外去茂州不遠財千五百里耳

水經注

卅三江水

布僕水出徼外成都西沈黎郡旄牛道

今清溪縣

在邛

崃山表

卅崃山在今榮經縣西南

水從縣西布僕來

旄牛道一作旄牛縣布僕疑山名

分爲

二流一水逕其道又東逕臨邛縣今邛州入文井水文井水又東

逕江原縣

今崇慶州

縣濱文井江

即文井水

文井江又東至武陽縣

今新津縣

天社山下入江其一水南逕越雋邛都縣西今西昌縣東南至雲南

郡之青蛉縣今雲南楚雄府大姚縣入于僕僕水又南逕永昌郡邪龍縣

而與貪水合又逕甯州建甯郡今雲南府厯雙柏縣即水入焉又東

至來唯縣入勞水僕水東至交州交趾郡蒼冷縣南流入于海

按至蒼冷入海者勞水也此乃云僕水者所謂異流沿注互受通稱也南中水多類此漢書地理志蜀

郡臨邛僕于水東至武陽入江過郡二行五百一十里按即布僕水所

入之文井江也又越雋郡青蛉僕水出徼外東南至來唯入勞過郡

二行千八百八十里又益州郡來唯勞水出徼外東至蒼冷

唐為峯州在安南都護府西北一百三十里入南海過郡三行三千五百六十里

按布僕水在旄牛之西當泚水之內故得至臨邛入文井江

其南逕邛都者必越泚水即是泚水之下流也泚水至旄牛

徼外分爲二流其一東入江其一與布僕水合流而南

海內經南海之外黑水青水之間有木名曰若木若水出焉

漢書地理志蜀郡旄牛鮮水出徼外

今打箭爐

南入若水若水亦出

徼外南至大茆

當與定茆相近定茆今鹽源縣

入繩

又越檣郡遂久

廢縣在今鹽源

西繩水出徼外東至犍道入江

若水即今鴉龍江繩水即今金沙江

水經注若

水東南流鮮水注之一名州江大度

下文度

水出徼外至旄牛道

南流入于若水又逕越檣大茆縣入繩

按漢志言若水入繩酈注言鮮水入繩亦因合

流而得通稱也

按鮮水下流疑與布僕水合布僕水本大渡下流故又名州

江大度布僕水自北而南要必越若水繩水然後至青蛉入

僕也

水經又言若水南過越檣郡都縣西亦即布僕水所過之境酈氏又云繩水瀘水孫水淹水大渡水隨決入而

納通稱是以諸書錄記羣水或言入若又言注繩亦咸言至
焚道入江正是異水沿註通為一律按大渡水即州江大度
也酈氏於羣水獨不言布僕布僕雖自入僕然既注
繩若則亦分流入江酈氏不數故疑布僕即大渡水

漢書地理志益州郡滇池今雲南府大澤在西滇池澤在西北

有黑水祠

按大澤當即滇池下流酈氏言温水西會大澤與葉榆僕水合又言葉榆温水俱不入滇池僕水無考滇池

滇池澤二而一者也今葉榆温水俱不入滇池僕水無考滇池

下流為普渡河入金沙江又按華陽國志滇池縣有澤水水神

祠祀亦有温泉如越雋温水此言黑水祠乃祀滇池之神而縣

界又有温泉耳劉昭注郡國志於黑水祠下引此云水是温泉

似以黑水為温泉殆誤會常氏意也

又牂柯郡鐔封温水東至廣鬱

今廣西思恩南甯二府入鬱過郡二行五

百六十里又鬱林郡廣鬱鬱水首受夜郎豚水東至四會今屬

廣東肇慶府及廣州府會縣

入海過郡四行四千三十里水經注温水出

牂柯夜郎縣

廢縣在今貴州石阡府城西南

又西逕昆澤縣南又逕味縣

今雲南曲

靖府南甯縣

又西南逕滇池城

池在縣西北

又西會大澤與葉榆僕水合

又東南逕牂柯之毋單縣又東南逕興古郡

今雲南之廣西羅平霑益三州臨安

一府貴州之安順南籠二府

之毋梭縣東又東南逕律高縣南

今曲靖府馬龍州亦屬興

古

又東南逕梁水郡東南逕鐔封縣北

按漢志溫水在鐔封縣下蓋自毋單至鐔封凡

溫水所行之道漢志皆屬之僕水也

又逕來惟縣東而僕水有出焉又東至鬱林

廣鬱縣為鬱水

東合南水水自鬱合縣東至桂新縣北又東至

漢書地理志益州郡葉榆

今雲南大理府太和縣

葉榆澤在東水經益

州葉榆河出其縣北界屈從縣東北流注自縣南逕遂久縣東

又逕姑復縣西又東南逕永昌邪龍縣自邪龍縣東南逕秦臧

縣

今雲南府富民縣

南與濮

即僕

水同注滇池于連然雙柏縣也

連然今安甯州

自澤又東北逕滇池縣南又東逕同並縣南又東逕漏江縣又